



INATSISARTUNI

Partii Inuit
Randi Broberg

UPA 2014/160-1
21.5.2014

PILLUGU: Nunatsinni inuuusuttut inuiaqatigiinni kiffartuusseqataanissaat anguniarlugu minnerunngitsumillu suliffissaaleqisut nunaqarfinni illoqarfinnilu kiffartuusseqataanermi periarfissaqartinneqarnissaat nunattalu iluani kiffartuusseqataanikkut suleqataanissaat anguniarlugu kommuunit peqataatillugit periarfissanik qulaajaanissamik misissuisoqarnissaanik oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Partii Inuit siunnersuummut paasinninnerput malillugu siunnersuutikkut anguniarneqarpooq, inuuusuttattaa suliffissaaleqisullu inuiaqatigiinnut kiffartuussisinnaanerisa, nunap immikkoortuini ingerlatseqatigiiffiit (kommunet) peqatigalugit qulaajaanikkut aqutissiuunneqarnissaat.

Naalakkersuisut akissuteqaamminni erseqqissarpaat;

- suliffissaqartitsiniarnermi periusissaq ilusilersorneqaleruttortoq,
- Piareersarfiiit aqqutigalugit inuuusuttunut sammisumik ukiuni 2014’nimii 2017’imut suliniutit annertusarneqarnissaat siunniussaasoq,
- ilaqtariit nukissaalatsisut immikkut isigniarnerigut, ilaqtariit nukissaalatsisut inuuusuttortaat ikorfartorniarneqartut – siunissami imminnut napatininissaat siunertaralugu,
- ilinniartitaanermut atasumik ilitsersuineq suli inerisarlugu annertusarneqartoq eqqaasitsissutigineqarlni,
- naatsumik oqaatigalugu, Naalakkersuisut akissuteqaataanni paasinarpooq, apeqqummi uani ullumikkut unammilligassat eqqumaffigineqartut, suliniutillu naapertuuttut aallartinneqareersut,
- taamalu Inatsisartut upernaaq 2015 katersuunnissaannut atasumik nalunaarusiortoqassamaartoq, tassanilu ullumikkumut suliniutaareersut, aammalu suliniutit nutaat nalilersorneqassamaartut.

Siunnersuut pillugu, Partii Inuit makkuninnga erseqqissaassuteqalaassaagut;



INATSISARTUNI

- 1) suliffissaaleqinermut atasumik apeqqut qitiusoq qaqissallugu pingaarutilik tassaavoq: “Soornguna suliffissaaleqineq atuuttoq?.”

Partii Inuit paasinnittaaseq pigisarput tassaavoq, inuiaqatigiinnik sukaterinerput tunngaviulluinnartumik peqqutaaqataasoq.

Silaaruttuusilluta tikisitanik pinngitsuisinnaanngitsutut isumaqarnitta kinguneraa, suliffissaaleqinermik eqqorneqartut tassaammata inuit maani nunaqavissut.

Illuatungaani tikisitat isiginnaarpagut ulapputtut. Tassani Inatsisartut Naalakkersuisullu aqqutigalugit suliffeqarfeqarnerup sukatigaanerata oqariartuutaa erseqqippoq, ima nipeqarmat:

“Tikisitaq illit ilinniarsimanngikkaluaruilluunniit qanorsuaq suliffissaqarputit, illilli inuk naatsersuutigissanngilat atorfissaqartinneqarnissat.”

- 2) Inuiaqatigiinnut kiffartuussineq siunnersuutikkut qaqpinqeqartoq, qanoq takorloorneqarnersoq takujuminaatsipparput.

Partii Inuit siunnersummik paasinninnerput naapertorlugu, ataavartumik, ilinniarfiusumik, suliffissaaleqisumut isumalimmik ingerlaqqiffiusumillu aaqqiissuteqarnissaq pisariaqvippoq.

Utaqqiisaasumik imal. immikkut ittumik aaqqiissuteqartoqarniarpat, Partii Inuit ilaliisinnaanngilagut. Ataavartumik uagutsinnullu inunnut isumalimmik aaqqiisoqarnissaa pingartikkatsigu.

- 3) Partii Inuit soqtiginerungaarpalput, siunissaq ungasinnerusoq eqqarsaatigalugu aamma, aaqqiissutissarsiortoqarnissaa. Tassani ataatsimut isiginittumik nalilersuinissaq qitiutillutigu makku nutaamik sukaterivigineqartariaqarput;

- suliffeqarfeqarnerup (arbejdsmarked) sukatigaanera uagutsinnik suliffissaaleqisitsisup nutaamik aaqqissuussiviginissaa,
- suliariumannittussarsiuussisarnerup sukatigaanera uagutsinnik suliffissaaleqisitsisup nutaamik aaqqissuussiviginissaa,
- avataanit suliartortut killilersimaarnissaannik sukaterinerup uagutsinnik suliffissaaleqisitsisup nutaamik aaqqissuussiviginissaa,
- tikisitat atorunnaarnissaat siunertaralugu qanoq sukaterisariaqarpugut qanorlu pilersaarusiortariaqarpugut?



INATSISARTUNI

- pisuussutit uumaatsut uumassusillillu uagutsinnut iluaqutaanerpaamik qanoq atorsinnaaneri erseqqissartariaqarpoq,
- suliffeqarfinnik imal. pigisanik nalilinnik uagut piginnittunngoriartornissarput pillugu, qanoq aaqqissuussisoqartariaqarpa?
- imminut pilersornerput qanoq annertusassavarput?. Tassa ilinniartitaanikkut qallikkullu pisariaqartitagut eqqarsaatigalugit,
- aatsitassarsiorneq tunngaviusumik qanoq ineriertortittariaqarparput?
- ilinniartitaanikkut sukaterinerput uagutsinnik suliffissaaleqisitsup nutaamik aaqqissuussiviginissaa.

2010’mi kisitsosit naapertorlugit, pisortanit ikorsiissutit suliffeerukkallarnermilu ikorsiissutaasimasut naleqarput 161 mio. kr.’nik. Taamanilu suliffissaaleqisut agguaqatigiisillugu amerlassuseqarlutik 2.056’nik.

Oqarutta suliffissaaleqisut ullumikkut 4.200’juusut, taamalu pisortanit ikorsiissutit suliffeerukkallarnermilu ikorsiissutit agguaqatigiisillugu inummut ataatsimut ukiumut 80.000 kr.’nik naleqartut. Taava ukioq manna pisortanut ikorsiissutinut suliffeerukkallarnermullu aningaasartuutit ukiumut annertussuseqassapput 336 mio. kr.’ninik.

Naatsumik oqaatigalugu suliffissaaleqinermut atasumik pisortat aningaasartuutigisartagaat, suliffissaaleqisup suliffissaaleqiuarnissaannik aqqtissiuippu. Peqqutigerpiarlugu ikorseeriaaseq taama ittoq, annertuumik naparliinnalersitsisarmat.

Partii Inuit naliliinerput malillugu, pisortanit ikorseeriaaseq ukiorpassuanngortuni periuserisimasarput atorsinnaanngitsoq nassuerutigisariaqalerparput – aningaasallu atorneqartartut nutarluinnarmik periuseqarluni atorneqalertariaqarlutik.

Tassani qulaani nalilersuivigisassatut imal. iliuuseqarfissatut taakkartukkagut innersuussutigalugit.

Partii Inuit taama oqaaseqarluta periarfissanik qulaajaanissamik misissuisoqarnissaanik siunnersuut innersuussutigissavarput, ataatsimiititamut susassaqartumut ingerlatinneqassasoq ataatsimiisitaliarlu isumaliutissiissasoq, pingaartumik ataavarnerusumik aaqqiissuteqarnissaq eqqarsaatigalugu.